



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCV. Damnatio libri: Considerazioni Teologico-Politiche [et]c. par. 1. e 2.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Damnatio, & prohibitio præd. librorum cum mandato eos tradendi Ordinariis, vel Inquisitoribus.

Clausula.

Nos pro commissa Nobis divinitus gregis Domini cura animarum pretioso Salvatoris, & Domini nostri Jesu Christi Sanguine redemptarum periculis, atque detrimentis, quæ ex eorumdem Librorum lectione, & usu provenire possent, pastoralis sollicitudine quantum cum Domino possumus, occurrere volentes, de memoratorum Cardinalium consilio, ac etiam motu proprio, & ex certa scientia, & matura deliberatione nostris, deque Apostolica potestatis plenitudine, Libros supradictos, & eorum quemlibet, ubicumque, & quocumque alio idioma te, seu quavis editione, & versione hucusque impressos, ac manu descriptos, aut in posterum imprimendos, & describendos, tenore præsentium damnamus, & reprobamus, ac legi, ac retineri prohibemus, ipsorumque Librorum, & eorum cujuslibet impressionem, descriptionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda, a qua nemo per quemquam nisi per Nos, & Romanum Pontificem pro tempore existentem, præterquam in mortis articulo constitutus absolvi possit, omnino interdicimus.

§. 1. Volentes, & Apostolica auctoritate præcipientes, ut quicumque Libros prædictos, vel aliquem eorum penes se habuerint illos, seu illorum statim atque præsentibus Literæ ad eorum notitiam pervenerint, teneantur tradere, atque consignare locorum Ordinariis, vel hæreticæ pravitatis Inquisitoribus, qui exemplaria sibi tradita illico flammis aboleri curent. In contrarium facientibus non obstantibus quibuscumque.

§. 2. Cæterum, ut ipsæ præsentibus Literæ omnibus facilius innotescant, nec quisquam illarum ignorantiam allegare valeat, volumus pariter, & auctoritate prædicta decernimus, ut illæ ad Valvas Basilicæ Principis Apostolorum, & Cancellariæ Apostolice, necnon Curie Generalis in Monte Citorio, & Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquuntur; sic vero publicatæ, omnes, & singulos, quos concernunt, perinde afficiant, & ardeant, ac si unicuique illorum personaliter intimatæ, & notificatæ fuissent; Utque earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem profus fides tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Anno Piscatoris die XVII. Febr. MDCCX. Pontificatus nostri anno Decimo.

XGV.

Damnatur, & prohibetur denuo liber sub Titulo *Considerazioni Teologico-Politiche &c. Parte prima, & Seconda.*

Hic liber damnatus fuit Constitutione præcedenti sine expressione ejus Secundæ Partis. Et Const. edita 1710 Jun. 6. Pontif. 10. damnantur propositiones excerptæ ex libro, Nouveau Testament &c.

CLEMENS PAPA XI.

Ad perpetuam rei memoriam.

Nuper nos per quosdam nostras in simili forma Brevis literas inter alios librum quemdam Italico idioma conscriptum, & in duas partes divisum sub Titulo - *Considerazioni Teologico-Politiche fatte a prò degl' Editti di sua Maestà*

Libri titulus, censura, ac novæ damnationis causa.

Bullarii Rom. Contin. Pars VI.

Cattolica intorno alle rendite Ecclesiastiche del Regno di Napoli - damnayimus, & reprobavimus, ac legi, seu retineri prohibuimus, & alias prout in scriptis nostris literis die 17. Februarii proxime præteriti expeditis, quarum tenorem, præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§. 1. Cum autem in nostris literis prædictis Titulo ejusdem libri ex priori ejus pagina transcripto præter superius relata, etiam adjecta legantur hæc verba - *Parte prima nell' anno 1708.* atque exinde, sicut ad Apostolatus nostri notitiam pervenit a nonnullis dubitatum fuerit, cum libri hujusmodi damnatio, & prohibitio, etiam ad Secundam illius partem anno 1709. ut accepimus, in lucem editam extendatur, seu potius ad primam ejus partem dumtaxat anno 1708., ut præfertur Typis impressam restricta sit: Hinc est quod Nos ex injuncto Nobis cælitus Apostolicæ servitutis munere, quancumque dubitandi ansam hac in re penitus præcidere, animarumque periculis paternam charitatem quantum Nobis ex alto conceditur per amplius occurrere cupientes, de Venerabilium Fratrum Nostrorum S. R. E. Cardinalium in tota Republica Christiana contra hæreticam pravitatem generalium Inquisitorum a Sede Apostolica specialiter deputatorum, qui vere audita alias libri supradicti censura sibi relata, illum non solum quoad primam, sed etiam quoad secundam ejus partem utpote continentem propositiones falsas, temerarias, seditiosas, erroneas, sedi prædictæ injurias, jurisdictionis, & libertatis Ecclesiasticæ destructivas, atque etiam in schisma manifeste tendentes, & hæresi proximas respectivè damnantur, & prohibendum esse censuerunt, consilio, ac etiam Motu proprio, ac ex certa scientia, & matura deliberatione nostris, deque Apostolicæ potestatis plenitudine librum prædictum quoad utramque ejus partem ubicumque, & quocumque alio idioma te, seu quavis editione, & versione hucusque impressum, ac manu descriptum, aut quod absit in posterum imprimendum, & describendum tenore præsentium denuo damnamus, & reprobamus, ac legi, seu retineri prohibemus, ipsiusque libri, ac cujuslibet ejus partis impressionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda a qua nemo a quoquam præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdicimus. Volentes, & auctoritate Apostolica mandantes, ut quicumque librum supradictum, vel aliquam ejus partem penes se habuerint, illum, seu illam, statim atque præsentibus literæ illis innotuerint, locorum Ordinariis, vel hæreticæ pravitatis Inquisitoribus tradere, atque consignare teneantur, hi vero exemplaria sibi sic tradita illico flammis aboleri curent. In contrarium facientibus non obstantibus quibuscumque.

§. 2. Ut autem eadem præsentibus literæ ad omnium notitiam facilius perducantur, nec quisquam illarum ignorantiam allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, necnon Curie Generalis in Monte Citorio, & in Acie Campi Floræ de Urbe per aliquem ex Curforibus nostris ut moris est publicari, illarumque exempla ibidem affixa relinqui, ita ut sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent. Ipsarum vero literarum transumptis, seu exemplis, etiam impressis manu alicujus Notarii publici subscriptis, & sigillo

Damnatio, & prohibitio altera libri prædicti cum mandato illum tradendi Ordinariis, vel Inquisitoribus.

Clausula.

personæ in Ecclesiastica dignitate constitutæ mun-
nitis, eandem prorsus fidem tam in Judicio,
quam extra illud ubique locorum habeatur, quæ
haberetur ipsis præsentibus, si exhibitæ forent,
vel ostensa.

Datum Romæ apud Sanctum Petrum sub An-
nulo Piscatoris die XXIV. Martii MDCCX. Pon-
tificatus nostri Anno Decimo.

XCVI.

Erigitur Congregatio Bethlehemitarum sub Regula
S. Augustini in Indiis Occident. in veram Re-
ligionem.

*Erecta fuit hujusmodi Congregatio ab Inn. XI. Const.
ed. 1687. Mar. 26. & Jun. 14. Hujus Pon-
tificis Const. ed. 1707. Jul. 18. P. 7. concessa
fuerit Privilegia. Et Const. ed. 1714. Dec. 22.
P. 15. agitur de gubernio hujus Congregationis.*

CLEMENS PAPA XI.

Ad perpetuam rei memoriam.

Dat. 3. Apr.
1710. An. 10.

Exordium.

EX debito Pastoralis Officii, quo Ecclesiæ Ca-
tholicæ per univèrsam Terrarum Orbem dif-
fusæ regimini divina dispositione præsidemus,
Congregationes Christianissimæ pietatis, & Chri-
stianæ charitatis operibus ad pauperum infir-
morum, & convalescentium subventionem, &
utilitatem laudabili studio incumbendum pater-
no charitatis affectu prosequimur, felicique il-
larum statui, ac ut personæ, quæ tam pium vi-
tæ institutum susceperunt in ea vocatione, in
qua vocatæ sunt, perseverent usque in finem,
opportunitis rationibus, & favoribus providere
studemus, sicut omnibus mature consideratis ad
Omnipotentis Dei gloriam, piorum operum in-
crementum, & animarum salutem expedire in
Domino arbitramur.

Confraternitas Bethle-
mitarum instituta an.
1653. & confir-
mata a S.
Sede, in Cong-
regationem
erecta fuit
an. 1687. ab
Inn. XI. sub
Regula S. Au-
gustini cum
peculiaribus
Constitutioni-
bus, exem-
ptione ab Or-
dinariis loco-
rum, ac elec-
tione primi
Generalis.

§. 1. Alias siquidem nempe anno 1653. post-
quam in Civitate Guatimalæ in Indiis singulari
pietate quon. Petri de Betancur a Sancto Jose-
pho Viri ob ejus erga Deum amorem, ac Pau-
perum convalescentium, ægrotantiumque cha-
ritatem, aliasque ejus virtutes (ut asserbatur)
satis abunde clari Confraternitas Bethlehemita-
rum nuncupat, prius Ordinarii, & deinde Sedis
Apostolicæ auctoritate confirmata exordium de-
sumperat, ac Benedicente Domino adeo excre-
verat, ut ad annum 1687. undecim Hospitalia
cum Domibus Religiosis, in quibus plures Reli-
giosi nedum in ægrotantium, convalescentium,
ac contagioso morbo laborantium cura æque pia,
& laudabiliter se exercebant, verum etiam in
puerorum eruditione sedulo incumbabant, inte-
gre erecta, & fundata reperirentur, se. re. Inno-
centius PP. XI. Prædecessor noster attento tam
ejusmodi spirituali rerum augmento, & ex eo,
quia prædictæ Confraternitatis viri strictius Dei
servitio se mancipari cupiebant, supplicationi-
bus dilecti filii Roderici a Cruce, qui tunc ad Al-
mam Urbem nostram, tunc suam pro expeten-
da illarum Confraternitatum erectione in ver-
ram, & Religiosam Congregationem cum con-
cessione Generalatus pro prima vice in ejus per-
sona missus fuerat benigne inclinatus, dictam
Confraternitatem, seu Societatem Confratrum
Bethlemitarum pauperum convalescentium in
Congregationem sub Regula S. Augustini, sub
quibusdam Constitutionibus auctoritate Aposto-
lica perpetuo erexit, & instituit, ac eisdem
Constitutiones toto illarum tenore inserto cum
omnibus, & singulis in eis contentis confirmavit,
& approbavit, illisque inviolabilis Apostolicæ
firmitatis robur adjecit, ac omnes, & singu-
los juris, & facti defectus, si qui desuper quo-
modolibet intervenissent, supplevit. Præterea
eamdem Congregationem sic per eum erectam,

ejusque Confratres, & Hospitalia, Ecclesias,
& personas quascumque ab omnimoda jurisdic-
tione, & correctione quorumcumque Ordina-
riorum locorum eadem auctoritate exemit, ac
plénarie liberavit, ipsamque Congregationem,
Confratres, Hospitalia, Ecclesias & personas
hujusmodi sub immediata sua, & Sedis Aposto-
licæ protectione, & subjectione pari auctoritate
suscepit, & alias prout in ipsius Innocentii Præ-
decessoris die 26. Martii dicti anni 1687. in simi-
li forma Brevis expeditis literis, quarum teno-
rem præsentibus pro plene, & sufficienter ex-
presso, & inserto haberi volumus, uberius conti-
netur. Postmodum vero idem Innocentius Præ-
decessor accepto, eundem Rodericum profes-
sionem in eadem Congregatione juxta prædictas
Constitutiones expresse emisisse, illum in primum
Superiorem Generalem dictæ novæ per eum ere-
ctæ Congregationis per alias suas in eadem forma
Brevis die 14. Junii ejusdem anni 1687. emana-
tas literas ad sexennium a die, quo idem Rode-
ricus ad Civitatem Guatimalam prædictam ad-
venisset numerandum, cum omnibus, & sin-
gulis prærogativis, præminentis, facultatibus,
auctoritate, privilegiis, gratis, & indultis, ac
honoribus, & oneribus, quæ ejusmodi Superiori
Generali per eandem Constitutiones ab eo con-
firmatas supradictas tribuebantur, & præscribe-
bantur, Motu proprio, & ex certa scientia
sua, deque Apostolicæ potestatis plenitudine
constituit, & deputavit, prout in his posterio-
ribus ipsius Innocentii Prædecessoris literis etiam
uberius continetur.

§. 2. Cum autem, sicut dilecti filii Michael
a Jesu Maria Procurator Generalis, & Franciscus
a Sancto Antonio plurium graviorum voca-
lium dictæ Congregationis Procurator in Curia
ejusdem Congregationis nomine Nobis nuper ex-
poni fecerunt, quamvis in hujusmodi eorum
Religiosa Congregatione singula, quæ veros, &
formales decet Regulares tum respectu habitus
tum cæterorum operum, ad quæ juxta prædi-
ctas Constitutiones tenentur, adimpleantur, ac
octodecim in Congregatione hujusmodi Hospi-
talia totis numeris absoluta de præsentis reperiantur,
necnon in Liman., & Mexican. pro qualibet
domo Religiosa quinquaginta, vel circiter, in
cæteris vero quadraginta, triginta, aut viginti
quinque, & singulis respectivo Hospitalibus non
minus duodenario numero Religiosi collocari, &
assistere soleant, nihilominus ipsi exponentes ip-
sam eorum Congregationem in veram, & for-
malem Religionem, in qua non vota simplicia,
ut de præsentis, sed expressa, & solemnia, sicut
in quatuor Mendicantium Ordinibus, cæteris-
que approbatis Religionibus in posterum ab om-
nibus perpetuo proficiantur, itaut in posterum
dictæ Congregationi Religionis, & Ordinis, ip-
sis vero fratribus illud Religiosi, & veri Regularis
nomen respective conveniat, atque Religio
hujusmodi tam quoad Hospitalia, quam quoad
personas, & inservientes quoscumque a jurisdic-
tione Ordinarii, necnon ut antea sub Regula
ejusdem S. Augustini compatibiliter cum eisdem
Constitutionibus per prædictas Innocentii Præde-
cessoris super ejus in Congregationem erectione,
& ipsarum Constitutionum confirmatione ema-
natas literas supradictas stabilitis, prout in eis-
dem literis sancitur, exempta intelligatur, &
esse debeat, salva tamen aliqua correctione, &
nonnullarum earundem Constitutionum appen-
dice, quæ ad constituendam essentialitatem ver-
ræ, & formalis Religionis ad prosperum ipsius
gubernium, & incrementum omnino necessaria
esse existimantur de novo per Nos erigi, appro-
bari, & confirmari plurimum desiderent. Nos
eorundem Michaelis, & Francisci Procurato-
rum votis hac in re quantum cum Domino pos-
sumus favorabiliter annuere volentes, & eorum

Preces Cong-
regationis,
& rationes
pro ejus ere-
ctione in Re-
ligionem
cum appen-
dice ad Con-
stitutiones.

singulares